

風謠三選

天

~ 18
2446
1



2446

風謠三選序

詩之教參五經而列國官與
禮樂政事相表裏郊廟朝
廷雅頌之音鏤金石而登管
絃汎濶焜琅極昌明浩博之



體者不可涯畔而其始本乎
風淫也風者吹也吹物而為
之聲也淫者詠也詠者言形
於言也是皆無待乎飾美
施巧而觸應激暢流出自然

之絃音鄉黨閭里之夫婦長幼
感於物發於思而不能不有
吟謳咨歎之節此風淫所以
作也以其一出於本然之性情
故人心之邪正時俗之美惡

王政之汚隆治可以察隱微
而測樞機難喻詩不過和室
問答之語而知為閨門之賢
蟋蟀詩不過歲時燕飲之辭
而謂有聖人之俗是以列國之

行人賦而宣之天子之太史采
而陳之自夫詞章之學盛行
往之有所愛所遇之各異朱門
貴胄燦然有緇衣瓊珮之
象市肆傑俠昂然有長虹

青霞之氣巖壑空濶滄介然
了幽蘭蕙桂之操深繪以為
工雕琢以為奇千彙萬品聲
律相高者曷若如雲行水
流無所為而寫其所感之情

也哉今夫多憂老之人稟清
秀穎悟之才與識者不以
其豪耀炫浮夸靡曼之習
奪其心不以以旅敵阻困挫情
慍之以易其志望剝躡牽級

之病祛放縱馳騁之想茅椽
匡床風日和美抒襟寫景卑
得之盃棹枕席之間刊膚
華而葆天真遺節族之返
正始生響言之而長其韻澹而

平其逸句警語或暗合晚
唐初明之造意是皆涵泳
薰染於

聖朝炳朗濃郁之教詩書
六藝之澤盡然被井曰籬

唐詩三選
柵之間不自覺其臻踐昭曠
高古之域實類花葉之靚
妍禽鳥之和嘆鼓化鍵鳴玄
機而見之可知為陽春韶景
之辰也育是哉詩之為教可

不於風濤中求之乎舊子昭
代風濤高君時彦所選後
又有千君壽慶張君混續
選近劉在建崔景欽又蒐
葺作三選宜其屬內閣典

書以藉慎雅自錫以墨藝世
其業在也前後是集之成
俱在丁巳之歲干支屬文明
之會其偶然乎哉

上之八年丁巳冬領中樞府

事原任 奎章閣提學
御書賜號經山老人東萊
鄭元容撰

| | | | | | | | | | |
|--|--|--|--|--|--|--|--|--|--|
| | | | | | | | | | |
|--|--|--|--|--|--|--|--|--|--|

風謠三選序

本朝上交治今五百年學
士大夫彬彬、矣下至凡民俊
秀咸沿事、佔畢甫學
語輒授之句讀稍長攻

古文辭五七言歌詩蓋
菁莪棫樸之化豁而毋闕
而獨用人局以門地士大夫
揆華擣滌颺聲展步
者究其材識所底惟閭

巷則不然抑而在下鬱而
不暢楚國之騷不得為
廊廟朝廷之用東野之
詩無由鳴國家之盛如
李蘇谷之清麗劉邗

隱之高古際歸之一時風
淫而止此昭代風淫所由
名也中有續選焉今又
選之三而率皆出於沉屈
低垂蹉跎自畫者流而大

都楚、多可喜可讀夫
詩天機也性情也愉悅
憂怨皆得夫自然之天
而發於性情之正則豈
闕闕家世所獨傳而區以

域乎其間者哉楊誠齋在
館談及授神記讀干寶
作于一吏進曰乃干非于也
引韻書云晉有干寶誠齋
喜曰汝乃吾一字師此晉

史之淹博也宋太常韜
祭服無所用少卿劉 珪
具藁欲藉甲書史曰在
禮祭服敝則赫之少卿恠
而心此晉史之識義理也

如魏仁浦楚昭輔其人皆
發跡胥史為世名碩人不
可以地論而胥史之不可
輕如此今其詩要之皆取
材博求義審溫柔敦厚

粹然有章程若是者用
之可以清廟生民矣不爾
且羽翼接武貫中搢於
士大夫矣傳所謂凡民待
而興者其在斯歟雖然

風雅三選
余聞近世閭巷聰明才
雋之人或耽於內典自憙
遊方之外駸、有儒名墨
行之懼豈亦有不平之
氣屯悒佗條無所發舒

而然歟審如是倘規矩而
流經破道者有之矣其
於詩教適粵而北其轅
非細故也勉之哉詩三百
一言蔽之曰思無邪

風言三選
丁巳孟冬揚州趙斗淳叙

風謠三選序

選風謠而刻之皆在丁巳而今
刻為三選矣上下四百年所人
為八石有餘詩為集子篇雖
其聲律辭理之不齊皆有

風詩三選
所自立而不失其性情余於是
竊歎我

聖朝久道化成之美也凡榮之
行於天地壅而不宣則率而
為病其在人也不然異才間出

無所表見性之不堪其鬱悒
自放於歌呼飲博而莫之悔
可悲也已十五國風大抵多里
巷之作之詩者未必皆終於里
巷其出而為公卿大夫之豈無

之乎非為法以限之也與於是
選者則乃或至老死分莫能
榮顯而不歸於歎呼飲博用以
專攻聲詩感慨無聊一於是
疏而蕩之不至為病固其善自

為謀也實由於

治教明而風俗淳使人者安於
命之不猶而思不出位豈不感
哉然此皆得於破篋敗紙斷
爛晦靈之餘費其精英而蒼

粹之以暴於世傳於後而焦桐
片鐵見賞於知音茲非幸歟
士大夫仕官隆赫而身沒未幾
有不能舉其名姓者何限若
此三選之刻家置而人誦之名章

秀句必不至湮滅無疑矣後
之人其鑑於斯勿以窮愁自沮
覃思風雅之旨以求為可傳四
選五選至十萬選而其詩益昌
有厚望焉

風謠三選

張園大旨落涂月丙子榕溪

居士尹定銘書



風謠三選卷之一目錄

崔延祿 五絕一 七絕二 五律一

延次緯 七律一

朴奎采 五律一

林光澤 五絕一 七絕四 五律三 七律二

李德涵 五律一

韓蓋國 七律一

馬聖麟 五律一

林必昌 五絕二 七律一 五古一

金 玹 七律一

風謠三選卷之一目錄

白景炫 七律二

李鳳燭 五律一

金 巖 五絕一 七律二

李養游 五律一 七律一 五古一

巖啓膺 七律一 五古一

羅致煜 五律一 七律一

劉匡鎮 七絕一 五律一 七律一

池道成 七絕一

范慶文 五絕一 七絕一

張道行 五律一

崔得謙 五律一

趙志源 七絕一 五律一

李養濂 七律一

吳擎華 七絕一

金德亨 七絕一 五律一 七律一

金載斗 五排一

柳明杓 七律一

朴壽赫 七律一

金鶴聲 五律一 七律一

金泓瑞 五絕一 七絕一 七律一

風雅二選八卷一目錄

鄭大重 七律二

閔志騫 七律一

李學老 五律二

石世璟 七律一

朴常遇 七律一

崔昌圭 七絕一

李宅懋 七律一

朴敬修 七絕二

李景顏 七絕一 七律一

趙景濂 七律一

丁彝祚 七律二 五古一

文弘說 五律一 七律一

劉相祐 五絕一 五律一

李溪 七絕一

李陽秘 五律三 七律一 五古一

車佐一 五律二 七律四

金在吾 七律一

金晉錫 五古一

金永錫 五律一

李喆懋 七律二

風雅二選八卷一目錄

風謠三選卷之一

崔晚豈 五律一

金載禧 七絕一 七律一

風謠三選卷之一目錄 終

風謠三選卷之一

崔延祿

延祿字慶綏號芳谷完山人官判官

過申相國宅

綠漲門前柳紅飛檻外花鳥啼春寂寂虛閣夕陽斜

春日郊行

穿雲出谷杏花飛長笛斜風冒雨歸十里騎牛芳草
路數邨煙起野人稀

春日閒齋

閒齋高枕夕陽斜窮巷誰尋原憲家寂寂柴扉春日

風謠三選卷之一

掩滿庭紅杏碧桃花

悶老

覽鏡空垂淚瘦痕滿面交青春如昨日白髮已今朝
撫劍愁難歇彈弓恨不銷 國恩終未報夢到塞邊
遙

延次緯

次緯字重甫谷山人

恭瞻東藉田 親畊

聞道吾 王親自耕病餘扶杖出東城千官會處青
牛駕九穀種時白日橫法樂新聲雲外落玉杯香醞

野前傾盛儀此日今初覩

聖德如天萬古明

朴奎采

奎采字國華全州人從弟箕采見續編

送別

東洛一杯酒送君千里心鳴泉知別恨殘月照疎襟
去鳥無留意歸雲識舊岑平生遠遊地隨處費長吟

林光澤

光澤字施哉號雙柏堂寶城人

題畫

白頭蒼面叟倚樹午眠閒夢亦非塵界青山綠水間

春日雜興

山花高潔野花濃等是韶華亦異容
野花應有遊人賞分付山花伴老儂

久旱感懷二首

盆蟬瓶楊竟謬悠即今祈禱亦無謀
須將巨槌鞭龍起快挽長河灑八州

郡國儲胥已露根更持何物賑元元
如將細究源頭弊此老胸中亦有言

恭瞻 元陵感吟

草木敷榮雨露私乾坤大德答無時
今來却羨雙翁

仲侍立 陵前歲萬斯

曉卧感懷

落月西窻下餘光照卧床
犬嗥何鬧擾雞唱正悠揚
學淺邪思起心多冗筭長
正如蜂釀蜜枉費一生忙

偶吟

幾年官省祿救得闔門飢
天地恩光大涓埃報效遲
晝軒無客處曉枕不眠時
世事來心上仍成茶室悲

自愧

紫泥安 御寶恩誥自天來
可愧無功賞深懷過分
灾世方邊境患余豈折衝
才慎爵前賢意應防倖路

開

謾吟

聖繼神承四百年太平民物自熙然簪纓世族當句
軸藻繪詞臣上厦羶言議豈輸明宰輔關防不讓宋
山川欲除外侮恢餘地只欠文官不愛錢

往京兆適值坐堂寓目口占

雙槐垂影坐堂堂崇堂上巍然判相公蠅憤讀供蛙值
雨鴉衣傳令虎生風包君尚陷奸胥計周勃猶知獄
吏功如欲善圖寧媚竈近來聽訟大冬烘

刊集戒

詩篇縱有成文人一小技生前供吟弄死後任棄燬
尤况下此者陳腐同泥滓人多不自知反以奇寶視
收聚付剗剔麤糲雜糠粃渠擬冀北馬人笑遼東豕
傳播士友間暴揚詞章美觀者未終篇破作塗埃紙
不朽竟安在還貽唾罵耻俗流固無責識者宜戒是

歉歲歎

夏旱米如玉冬雨薪如桂富人猶難支貧者那得濟
公家無宿儲新舊不能繼經費尚云缺賑貸何由逮
平時貴青錢屢年勤造幣徒潤奸人橐未補郡國計
何不務積穀為民護命帶人事須當盡不宜徒罪歲

武士歌

文武元一體偏用國非國如車有兩輪如鳥有兩翼
昇平敷文德警急資武略挽近此道壞弓馬無獎掖
身一穿帖裏諺數彎牛角趨走卿相門待之同隸僕
諛笑苟不工鎮閫那易得推遷至上將亦時見凌轢
士族視賤流耻與爲姻戚平時不素養臨危難得力
覆轍吾有聞壬丙懲往蹟

仲氏忌日過祀後書示敏侄

昔在壬戌年吾家遭毒癘阿兄與阿弟相繼俱喪逝
親黨亦遠避看檢惟僕隸家貧衣衾薄裹歛多敗敝

遠日不暇擇就木仍就瘞儀物一廢闕何論奠與祭
引往與魂返隨後唯劣弟積慘目前見至痛腸中滯
至今三十年思至輒飲涕伊時汝甚稚其年纔七歲
撫頂望長成庶幾後祀繼何幸壯有室又復仕得筮
連年荷天眷厚祿忝次第今日豐酒食奠獻訴靡
逮見此感我懷不覺淚沾袂天道儘往還否泰理不
戾昔年經艱棘兒曹應未諦我固不能忘汝亦當自
勵毋恃今日泰每念舊時悞百年雖難學敢尔輕煖
計滿紙悲苦語銘鏤休玩悞

讀史隨吟三首

秦王用商鞅其法固慘刻國富兵亦強天下遂無敵
猶勝尚文治流弊貧且弱警急望風潰千里無障阨
儒臣坐舌梗頭血濺北漠深羞徹人髓飲灰難洗濯
有壇巍北極仰瞻時歎息

宋帝在五國路梗絕問訊閣臣嚙命至假途欲入覲
其言儘委曲聽者心自慙而况舊屬國幾年貢琛費
名義又有定危亡恐遽損游辭拒不許所托恐啓釁
咕咕俱詐謀區區太畏慎宜乎天下人唾面責無信
勾踐善生聚其法自養胎兵強破積讎霸略何奇哉
東方有深耻志士久沾腮 園陵苑悲憤壇墀虛崔

嵬人心務苟安不念永世哀風俗喜侈奢嫁娶多稱
孩生齒轉脆弱身軀便駑駘乍寒猶波咤小飢亦隕
隕難將這樣子奮迅鼓風雷玉帛與皮幣特作偷活
媒嗟嗟亦已矣此說人必猜

見下氏婦書

汝嘗學諺字未知生與熟今見問候書反切俱中式
橫豎雖歪斜意趣可識得猶堪替面目不必如珠玉
多見人家女耽看裨說冊仍成驕怠習不屑井日役
居然養長舌厲階從此作此誠可禁戒不然家必覆
歸家似不遠相覲當面飭

烹雞誠

客裏苦無餅村中唯有雞能補老人胃滋味勝藿藜
朝夕登盤進飽喫及童奚今日偶出門殷血灑路蹊
羽毛紛滿地宛見經烹刳倚杖一沉吟不覺心惻悽
鳥獸及魚鼈惡死與人齊力微不能抗冤號赴烹醢
福延濟羣蟻仁見捨小麀社老蟲雞說平日亦有稽
從今啖菜羹秋葵綠滿畦

濟州馬行

元朝皇帝有遠識海外島嶼入咨度耽羅一幅視汧
渭馱馱千頭初放牧泉水清甘草豐軟雛產蕃息量

以谷山屯野柵悅雲錦人到于今埒冀北朝家貢獻
厥數夥一歲三百或四五百千里渡涉出海道三道傳
替勞民力牽入 殿前一賜覽散送官房勲戚家吁
嗟地用莫如馬國有緩急得力多戰士所騎每有缺
苟且充給惟蹇劣濟產須擬至寶看恩賜不許費一
疋分放諸牧滋宛種散給四營壯軍實微臣曾爲太
僕掾此事揣摩三十年愚衷耿耿結不自抑何由一奏
至尊前

李德涵

德涵字景浩號真愚堂江陽人

偶吟

紫陌難投足柴門獨保閒文章無補世蹤跡且歸山
簷月清詩肺溪風灑醉顏靈芝何處秀我欲採而還

韓蓋國

蓋國字士彥號醉白堂密陽人

枕流亭夜吟

悄然不寐倚欄頭亭下溶溶水自流風便漁歌來遠
浦夜深人語出孤舟燈前細酌三江靜物外清遊萬
事幽朗誦謫仙春夜序只將詩句也相酬

馬聖麟

聖麟字景羲號眉山長興人

金君始成達移家園洞與崔晦之潤昌約會

而不來

知君老有趣卜宅城西邊投策方橋渡臨門綠樹穿
裁詩花發砌論抱月當天崔子違佳約當樽意悄然

林必昌

必昌字慶餘號香溪會津人從曾祖春養見前

編

偶吟

人生貴適志高卧有餘閒獨自疎松下橫琴對晚山

觀魚

園中纔幻蜨濠上今觀魚問荅莊翁在月明秋水虛

謾吟

積雪溪橋路欲窮瑞呈三白是占豐何妨甲子忘壺
裏一任朱顏失鏡中臨紙弄毫餘舊態就詩論格減
前工春來若得漁郎便咫尺仙源定可通

讀梁鴻傳有感

伯鸞困且病努力賃舂艱曾與孟德耀俱隱灞陵山
帝京歌五噫明時竄海灣流離又適吳行色何間關
閉戶頌高士清操此可覲葬近烈士塚何如羸博間

寂寞千載下高風香難攀

金玆

玆字晦文號粥粥齋彥陽人

秋鴈

拖過長門燭淚殘斷腸人倚玉欄干雙雙影帶銀河
濕一一聲迴素月寒五嶺羈心逢雪苦三湘歸夢候
春難明年伴侶知無恙更占稽山鏡水瀾

白景炫

景炫字時晦號悟齋善山人父壽倫見續編

伏受 賜橘有感而作

天厨頒橘歲云闌名忝近臣擎玉盤仙味自來瀛島
遠異香猶帶洞庭寒 聖恩珍重年年下雙手摩挲
箇箇團陸績雖存親不在此生懷抱爲誰寬

送家弟子華永興別差

朝辭 紫極出東城皂蓋翩翩向北征共有恩榮偏
受感敢言兄弟遠離情銀潢源接龍江濶鐵嶺雲連
鶴野平臨別不須加勸勉知君心學只丹誠

李鳳燭

鳳燭字穉晦號普暉館天安人

逝斯亭有感

澹然塵累少君子之攸居地秘千年勝洞闢十里虛
溪山人去後花鳥客來初到處多新咏吾遊信不疎

金瓏

瓏字晦章號東崖孩弟

奉呈舍伯丹丘之行

離亭秋日暮惜別淚雙垂相去一千里相思十二時

山居卽事

北陀南堰路橫斜收却黃雲日滿車籬下雞肥供客
食園中棗熟任鄰家官租輸後閒編葦鄉射歸來醉
插花堪笑馳名城市者一生空自說桑麻

酬守默堂韻

宿世阮劉今復期後身元白得同時老妻勸我三杯
酒狂興酬君七疊詩傲吏生涯滋味薄故山歸計畢
婚遲鬚眉婦女滔滔是誰識人間男子奇

李養游

養游字季涵平昌人登武科父重珍見續編

雨後漫興

昨夜一犁雨叢花曙色侵青山當檻出流水掩門深
靄靄汀雲影交交谷鳥音濁醪醺我面聊爾撫床琴

永保亭

山光海色拱崇墉為愛名亭駐客筇五夜虛明三面
水四時蒼翠兩邊松潮聲動地渾疑雨瘴氣迷空忽
失峰但道眼前闕畫境不知身入畫中濃

擔夫嘆

隣爾生甚苟數口仰擔穀米塵與同居面皴髮又禿
成羣列市街負重代賣鬻閑然趨利去所得不盈匊
方其擔負時喘息其力戮寒天肌盡坼熱日汗如沐
環顧人世間賤苦爾居獨請君且莫嘆食力心不慝
猶勝在官者尸位以竊祿

嚴啓膺

啓膺字稚受號燕石寧越人父晚香齋漢朋見
續編

述懷

未成書劔似蓬餘閉戶窮居髮已疎王猛何傷衣有
虱馮驩空歎食無魚頻聽好鳥鳴高樹閒看遊雲弄
太虛處世浮生真一夢每逢樽酒意如如

邨中記實

村女往舅家舅家在他鄉今日爲新婦臨水照嚴粧
大兄擔橡栗小兄持壺觴原頭拜阿母垂涕遙相望
萋萋芳草路駕牛故彷徨

羅致煜

致煜字光伯羅州人

溪村相逢

睡足柴門靜客來山雨收芳時兼有酒暇日共登樓
鳥下孤峰夕風涼大麥秋漁翁看月約聊向白鷗洲
五溪復會石臺歸客

古寺清遊復杖藜今宵來聚五溪西山僧告別曾留
偈遠客談詩每聽雞日靜城頭雲氣積樓高川上野
光低逢君雅謔渾忘返樽酒頻堪一席携

劉匡鎮

匡鎮字一之號晚翠軒南原人

聽笛

寒宵霽色月光流赤葉黃花正九秋中夜那堪聽吹
笛一般愁思在何樓

重陽湯吟

年光催落木星髮動愁翁白露今宵下黃花去歲同
詩筵開世外朋酒入閒中細看茱萸意懷傷轉不窮

呈嚴菊山啓興

矯情降氣夏畦如病卧高吟白屋居狷性拂人惟我
許直行違俗獨君餘名樓敢揭驚人什委巷能邀長

者車潦倒明時良可惜安貧不屑爲吹噓

池道成

道成字汝成號溪社忠州人

雨中呈金君珍

短籬茅屋傍溪頭盡日無人坐自幽點易窻間沉碧
影梧桐葉上雨初收

范慶文

慶文字孺文號儉巖錦城人

蒼軒秋日

歸雲暎夕塘落照翻秋木開戶對青山悠然大古色

效楊柳枝詞

輕絲弱線不勝清
嫋娜引風無限情
窻裏美人初起
夢晚晴枝上有啼鶯

張道行

道行字君恕號晚醒齋仁同人

客至

相看驚歲晏春意忽
梅枝客到星初落
樽闌月又隨
凍雲山郭迥積雪
礪橋危寂寞誰相問
三年下董帷
崔得謙

得謙字大受號无悶窩延祿六代孫父自娛堂

重範見續編

關西屯田

秋風關塞外白首屯田郎
土薄租還重民貧歲又荒
官威何忍督王政所如傷
立視等秦瘠誰能議發棠
趙志源

志源字深遠號花泉白川人兄志淵見續編

閒居雜咏

山妻作酒試新方
松節當歸味更香
道是寧神兼補
血一杯能使壽年長

九日憶故園

黃花開也未白髮卧他鄉詎以秋暉短能裁客意長
強酬殊俗語偏憶故人觴佳節歸期遠詩成獨自傷
李養濂

養濂字德淵養游從弟

登阿耳三松亭

男兒一劍倚邊樓樓下長江滾滾流地盡關河秋早
到山連星斗月遲浮畫屏雲卷盧龍塞戰鼓波春綠
鴨洲暮角三聲霜鴈叫漢南歸客更添愁

吳擎華

擎華字子馨號瓊叟樂安人

對酒有感

對酒還憐白髮多年光如水不停波山鳥傷春春已
暮百般啼奈落花何

金德亨

德亨字剛中號三養齋又號華山子金海人

大同門譙樓

層城百雉起朱樓十里榆林暎綠洲獨倚欄頭愁極
目何人吹笛上蘭舟

東嶺歸路

下山空悵望從此有塵機澗水如相送洞雲笑我歸

濯纓真不偶攀桂故多違頻致主人語秋風更拂衣

狎鷗亭

斜陽解纜上高樓岸柳毵毵綠映洲孤島落霞芳草
合 二陵春樹子規愁渾然人事空千載宛在江山
閱幾秋徙倚闌干聊極目亂雲天際摠悠悠

金載斗

載斗字

號萍翁

人

題清潭朴孝子秦星旌孝錄後

僻絕高陽北清潭水一涯獨廬爲近墓願卜遂成街
白首追喪日蒼天孝子懷山靈虎跡遠人慟鳥鳴偕

孝子退服廬墓朝夕號哭異鳥來鳴三年後去共觀松春悴安知脛雪埋禮

羅辭幕辟 恩楔賁巖崖有夢通昆季輸心得爨柴

儉恭家著則真率衆歸諧行素忠猶克揮金廉可背

孰如冥應合致此理非乖微物何知識神明實寵佳

臯思傷靜樹董義引長淮詎異來黃雀誠同墜翠蛙

詠歌誰不艷擎讀眼頻揩孤露本多感題茲悲強排

柳明杓

明杓字稚晦文化人官僉節制使

德積鎮贈朴士執允默

百感年來鬢欲絲側身天地不勝悲論交雲雨今方

見閱世炎涼晚更知
生歿誰能肝膽照
升沉吾豈性
情移聞君近自關東返
萬二千峰幾首詩

朴壽懌

壽懌字聖民號熙皞堂密陽人弟道懌見續編

登樓

西風蕭瑟感吾心
百尺高樓一笛臨
大地滄桑朝復夕
中天烏兔古猶今
笑看鵬背青雲近
驚顧鰲頭紫氣侵
從此身邊煙火遠
庶幾相遇洞庭吟

金鶴聲

鶴聲字于天號自靜齋咸寧人

江行謾吟

朝旭巖頭照蘆花
繫艇初露荷秋釀
酒煙柳晚穿魚
駟馬憂還大蓑衣
計未疎浮家閒自在
鷗鷺與同居

自靜齋夜話

閒愁滾滾太無端
與子同吟行路難
已喜襟懷塵外
得何妨禮數醉中
寬半床蠹帙人俱
老滿屋蟾光雪
共寒自有心君分
善惡不須青白眼
相看

金泓瑞

泓瑞字明哉號耿齋金浦人

江上晚雨

天寒鴈叫羣日落煙迷浦遙來數片帆盡濕蘆花雨

南湖送客夜月泛歸

澄江萬頃一帆閑蕭瑟秋風送客回浪靜魚龍應熟
睡月明樓閣若浮來

過廢寺

強病遨遊半日程蕭蕭秋色感吾情行過阡峽無人
跡轉入窮源有磬聲松檜叅天空老大樓臺撲地任
欹橫只存方丈僧三四忙着禪衣下榻迎

鄭大重

大重字景淑號匏翁溫陽人

與諸益共賦

涼陰靜卧午眠侵老桂疎篁一院深鶴似應門時獨
立客非看竹日相尋三朝豈泣懷中玉四畏曾辭夜
半金未老休官追若水光輝倍動北山林

雨中小集

山深謂有神仙氣今到茲丘不復疑地勝人高相得
耳水清松老又兼之天機靜與初心會物色閒將一
句移畱我雨中青韭折澹然風味想前時

閔志騫

志騫字孝直驪興人

百種日小集

老去難禁物外情
邱園迢遞隔東城
苦憐白酒非陶性
屢改新詩愧噉名
山色晴邊孤鳥遠
蟬聲多處夕陽生
窮途為樂無多日
須及林端好月橫

李學老

學老字仲禮號三樂窩完山人

城東閒居

城陰門半掩酒熟客來時
古道樵童識秋情
野老知自懷三樂意空誦四愁詩
休說紅塵事林泉定有期
洛東幽居

醉吟當落日秋色入柴扃
濁酒深堂靜良朋舊眼青
竹風翻宿鳥林雨斷流螢
搖落增愁思西風老樹庭

石世璟

世璟字君一號松谷漢山人父清軒之嶸見續

編

小集

紙窻竹簟淨纖塵
默坐還如鍊氣人
老木逢秋偏颯爽
暮山經雨忽精神
鬢嫌雪色稀窺鏡
顏帶潮痕剩借春種藥
任他三徑遍知應窮巷足經綸

朴常遇

風言三選不卷一
常遇字春長號無聲子

人

謾吟

忽忽年光不我私
蒼然頭髮已如斯
意中虛作千般事
身外層生百指枝
隨處行車安有迹
及時開口反無爲
茫茫宇宙紅塵內
夢者何人覺者誰

崔昌圭

昌圭字子重號五玉齋隋城人

半洞田圃

水曲峰回小有天
半開園圃半人煙
春耕秋穫閒中土
莫是武陵無稅田

李宅懋

宅懋字允居養游子登武科官判官

早春登樓

幾日綠寒閉戶幽
春光恰好上高樓
茶煙繞箔清於水
竹雨鳴簷冷似秋
漸覺溪山生艷態
從教花鳥喚新愁
澗冰消盡江波潤
且學漁翁理小舟

朴敬修

敬修字穉度號木卡居士

人

楊州途中

畫角孤城欲閉門
楊州山色近黃昏
橋邊獨木煙生

風言三選不卷一

處記得他年歇馬村

詠臨水桃花

桃花臨水一橫枝絕勝佳人鏡裏姿若使漢皇看得
早不須煩作暎娥池

李景顏

景顏字樂道號格川廣州人兄景聃見續編

臨溪漫興

溪水潺湲白暎沙竹扉閒掩是誰家幽人獨坐芳菲
盡長對山榴一樹花

訪王步庚太不遇

玉溪斜日叩柴關較藝府中應未還半世容身餘淨
地終年對客有青山早花明媚開塵外嬌鳥慙慙鬧
夢間誰謂斯翁經濟少平居自得一心閒

趙景濂

景濂字伯翊號湛華館漢陽人

箕城與林子道得明共賦

東京才子下西州山水樓臺擬勝遊浮碧地形雄一
道牧丹王氣鍾千秋人煙半入魚龍國驛路偏連鴈
鷺洲欲喚洪厓同此賞長林明月送孤舟

丁彝祚

彝祚字茂倫號漁山昌原人

林子道書室

捲簾人戶水東西就裏君家舊不迷古樹入門陰更
密青匏結子蔓初低細看鳥跡移蟲篆為惜苔錢減
菜畦晝卧稍驚床簟冷曉來風雨滿前溪

郊居卧病東峽中親友

平分郊色架茅廬幸有禽魚慰索居江月再圓仍抱
疾峽雲東去少回書更籌暗展疎燈裏古木秋生積
雨餘好就重陽拚一醉黃花消息近何如

晦雲菴

自為招提客益知招提好高窻瞰遠峰極目皆了了
石氣澄羣陰磬聲歸夕鳥日落泉逾駛雲起山更悄
長風振幽谷樵歌發霞杪空美靜者心咄此軒冕小
望極心彌遠村煙生嫋嫋

文弘說

弘說字仲範號繼默軒南平人父養默齋以健
見續編

夏日與吳得彬

憬文登佛巖

地迥人難到相携數友賢蟬鳴風處樹雲起雨餘天
座上渾無俗山中似有仙暫臨幽賞足谷谷響清泉

夜吟

夜坐松林故不眠浮生此日感流年洞深溪靜雲生壑地僻山晴雨洗天誰起老儂多病後更教明月入樽前箇中若使閒愁遣讀盡平生未讀篇

劉相祐

相祐字慎敏號以約軒江陵人

秋日君子亭

雨過千峰急雲蔽萬壑深高亭來倚處秋氣一庭侵

小集是閒齋

姜忠臣孝元後孫所居在三溪洞

忠臣有遺裔歲暮克持門淚灑蒼梧夢風清老柳村

索居從野性餘事付塵喧入室無他物蕭然一瓦樽

李溪

溪字友山號華村完山人

西社賞花

幽鳥數聲谿日斜水西花合水東花繁香早被春風力散入青山上下家

李陽秘

陽秘字伯燁號海桑子完山人

廊溪草堂

山空風落石早雪飛松門碧澗走仍凍幽禽寒不翻

披書愁欲瀉得酒意方尊日事檢梅閣無因循竹園

病淹散悶二首

秋日恒多霽碧天如鏡新風林疑有物山月悵無人
四境清如許中宵起獨頻不知霜滿幘遂及遠雞晨
憫把一壺酒西風登古原荒荒殘照樹曖曖遠煙村
川氣澄逾白山光冷易昏早看幽壑外新月照乾坤

撥憫

滿枰碁子下紛紛不賭其醒只賭醺世祿敢忘心捧
日人情徒見手翻雲愁教髮變三千丈意向山歸入
九分如得晚年閒處所便應疏水種蓴芹

日涉園

幽人不耐煩置屋流水間長夏麥醪熟一呼來舊顏
舉觴各無言時復見鳥還脩陰下古樹餘景澂遠山
悠然撫松枕溪風自掩關

車佐一

佐一字叔章號四名子延城人

有足腫或戒止酒戲答

曾讀軒岐術元無禁酒方生為醉鄉伯死作修文郎
足病今何有身名久已忘對君須痛飲內托外應良

知世浦櫟詩

屋語三選不卷一
倭船來日日迎送卽乘潮幸則楊洲近不然多浦遙
營關吾膽落鎮棍吏魂消所愧爲人役低頭更折腰
暮春小集
卧聽琴聲坐看書今春樂事政何如新詩鍊得看花
後美酒斟過屬客初人世百年長似此天公一念厚
於渠諸君暇日須相訪吾亦城南有弊廬

正方伽藍共主人作

黃昏携手上禪壇一席從容禮數寬是處盍簪真夢
寐他鄉萍水盡衣冠詩因妙境渾疑幻酒有奇功不
怕寒疎雨空山秋寂寂龕燈相對聽危灘

漫吟次老杜韻二首

九月嚴霜墮橘林秋之爲氣正蕭森年光荏苒如流
水志士分明惜寸陰世盡趨名須務實人多有意獨
無心寥寥旅館支願坐不耐西風響夕砧
蕭瑟殊方欲白頭身非宋玉亦悲秋青春漸去全無
樂紫酒傾來未解愁鄉信難憑雲際鴈閒情却羨水
中鷗斜陽極目山河北碁布湖南五十州

金在吾

在吾字重鉉善山人父行一見續編

曉起

林鴉蕭颯渚雲歸漸覺虛明一氣隨久矣吾衰常少
睡悠然境僻更誰知疎星欲曙離離動落月和霜淡
淡垂鄰舍雞聲三五聞殘燈背面聞寥時

金晉錫

晉錫字士明金海人父學古齋鳳顯見續編

田家秋日

七月白露下九月亦授衣秋日淨晶晶霜鴻鳴且飛
門前棗栗熟野外稻蠟肥雞黍晨夕會鼓腹自忘機

金永錫

永錫字士綏晉錫從弟

晚香園

閉門春事晚佳會亦無違偶爾尋芳草悠然望翠微
警眠聽鳥語試步拾花飛更憶風塵裏幾人物外歸

李喆懋

喆懋字允孝宅懋弟

暮春送人

清江十里歇芳菲况復高朋此日違數首詩從愁裏
得三分春向客中歸雨聲高館桃花落草色深塘燕
子飛已自掉頭畱不肯誰言是是又非非

送人遊東峽

午雞聲罷起幽眠獨坐江樓思悄然千里人歸春夢裏半簾花落夕陽前百川與海終相會一簣爲山古所賢他日西江江上望片帆落處是君邊

崔晚豈

晚豈字子山號種學堂海州人

小集

秋色澹如畫林亭近夕陽寒烟籠遠樹清露滴疎篁園果無風落階蟲盡意涼吾人多感慨坐到月生光

金載禧

載禧字仲祐號晚遂齋

人

聽流堂

蕉葉翻窻荷拂衣茅齋獨坐數鴉歸兒傳甕裏新醪熟况復前溪魚正肥

蘇武廟

凜然節義歿生前遺廟淒涼落照邊鴈過雲間聞叫月羝歸隴上暮生煙芳名不絕胡兒口短碣猶傳漢代年北海當時思帝淚化爲嗚咽灞陵川

風謠三選卷之一

風謠三選卷之二目錄

| | | | | |
|-----|-----|-----|------|------|
| 金洛瑞 | 五絕十 | 七絕二 | 五律六 | 七律十五 |
| 千壽慶 | 五律一 | 七律四 | 五古一 | 七古一 |
| 徐慶昌 | 七律二 | 五古一 | | |
| 宋文星 | 五絕二 | | | |
| 吳得麟 | 七絕一 | 七律一 | | |
| 金恒錫 | 五古一 | | | |
| 田桓 | 五律一 | | | |
| 李胤恒 | 五律一 | | | |
| 張混 | 五絕八 | 六絕二 | 七絕十四 | 五律七 |
| | 七律十 | 五排二 | 五古一 | 七古一 |

池德龜 五律二

鄭尚玄 七律二

崔元植 五排一 五古一

王 莢 七絕一 五律一

鄭禮重 五律一

石應柱 五律二

李慶默 七律一

吳命喆 七律一

金景濂 五律一

風謠三選卷之二目錄終

風謠三選卷之二

金洛瑞

洛瑞字文初號好古齋泓瑞從弟

豆湖雜詠四首

巨石伏江門 纍纍羣馬飲孤舟 欲近前風沫吹清凜
江屋類巢居 高出江柳上 定爲月溪西 年年秋水漲
漁翁不巾襪 西日滄江曲 獨揭孤篷眠 長風吹坦腹
江叟如江鴨 往來豆浦傍 白頭小舴艋 不識七山洋
馬上口占

野鶴立清晨 微茫煙水際 不隨老鷺飛 時向寒空唳

書揭墓廬五首

李公愛平泉丁寧托其子先人所構堂豈與花石比
酣歌于室中古訓曰巫風况此邱墳下游嬉比狡童
風雨三間足松楸一逕通寄言雲耳後來此視同官
丘墓三山下丞嘗十世同莫聽風水說棄去各西東
古人云悖子能變為三蟲有食墓廬者亦足參其中

燈夕過蒼谷

高林斜月靄餘輝上路行歌聞漸稀隔樹殘燈餘數
點誰家尚待醉人歸

健陵奉審之行過銅津口占

極目蒹葭浦思長江門石出水搖光哀笳忽似清猿
叫未到三聲欲斷腸

與盧惠卿允迪過宿趙芝園景濂

歸後有寄

咫尺長安市先生此隱淪青囊要壽世玉貌不求人
泛瑟星光夕聞蘭露氣春相從阮家飲愈喜仲容親

靈光郡

路繞荒山遠悠悠向古城怪禽當馬起惡竹上墀生
郡吏衣冠短村人井臼清離腸渾斷盡寒郭又笳聲

松沙途中

雲煙南紀暖風土北人妨野逕羊蹄綠山祠鴨脚黃

無襦堪卒歲不襪任凌霜問俗饒魚稻憑生樂瘴鄉

曉發

寒郭晨光遠登途顧僕頻風笳聞漸小霧樹遞如新
野水星隨馬沙橋火度人擁裘霜氣重無賴魯山春

次諸寮遊三溪洞韻

左尹旌忠宅雙溪彰義門春秋餘數卷風雪在孤村
病有僧來問貧無雀下喧不緣梅上月誰屬索郎樽
彰義門樓和洪致敬洪致成趙允文三碩士

寄示韻

自謂鄉中善未逢天下奇偶成拍肩笑仍和倚樓詩

落日雲山別西風鬢髮吹囂塵城郭內車笠可能知

曉山

山顛星漢依依落山際煙霏冉冉生大米卷中闕墨
畫宣城牕裡坐黎明少焉紅旭層峰變只麼青光疊
嶺橫北崦空濛猶未曙兩邊雲木子規聲

遲遲峴

峴首高臺春草霏先王於此駐鸞旗雲山南望情
何極野水東流去不歸孺慕曾無千乘樂神基今作
萬年期疑旒幾度霑龍袞寢廟畱瞻月出衣

樂翁庄值盧惠卿吳敬言

昌烈

金學淵

禮源

共賦

溪光欲動小漪淪春意先生卧柳身階葉暖窺書帶
草籬梅晴傍弄珠人青山不改玄暉宅新雨相過季
主鄰待到花時拚一醉休嫌尚戴舊塵巾

重過千君善壽慶

愛汝草堂塵事空衝泥頻過錦溪中杏花籬落參星
夕楊柳門庭少女風及此芳辰傾大白幾何樹底覓
殘紅聞閒共欲尋源去十里洛城東復東

初夏玉溪讌集

玉澗無塵午景清家家一樹一鶯聲不因遜者樓遲

靜那有衰翁出入輕落盡名花流水在幾多春雨綠
陰生東風也解遊人意畱得緋桃刺眼明

王師

王師經歲討黃巾義士先登不顧身七里旌旗增壁
彩一宵風雨洗兵塵梅花吹罷關山月楊柳來思漢
水春從此西門無警急為銷金甲勸農民

敬次閣學士韻贈李檢書功懋

洛東名勝紫芝村供奉殘年寄掩門藜火夢回天祿
閣竹林心在辟疆園夜吟髭短新生白春酒袍斑舊
汗痕徒步誰堪官長罵自無鞍馬趁晨昏

路逢惠卿看花暮歸仍寄

尋芳日日抵斜暉步履登登歷翠微陌上不知人散
盡林間惟待月明歸鳥貪殘食爭參席蜂戀餘香遠
趁衣更有花神如問我為言今墮百重圍

與諸友信宿松石園

吟弄鶯花憶去春遠來風雨慰窮貧閉門峰壑無尋
處滿架詩書獨卧人後世子雲今若此小山叢桂更
如新端居不是悲搖落莫遣鳴騶入谷頻

過張氏庄

棲道何須在遠求誅茅郭北藉清幽生涯休問千奴

橘世事應看一貉邱夜靜樓虛雲借宿水流花落客
來遊百年裘葛安耕鑿豈有人偷壑裏舟

遊山寺

雙峰合沓晝常昏欲上諸天只一門流水竟隨遊子
去青山獨與老僧存氣添蔬笋通心性思入煙霞絕
語言夜久祇園羣象靜木犀香聞月華繁

松石園餞春

百年使有駐春遲今我應為未老時少壯幾何成雪
髮雨風無柰落花枝殘暉冉冉登高送芳樹依依去
後思安得餘生比松石不關青帝往來期

王步庚直廬

宜春春賞步隨便晚日沈吟太液邊池接銀潢盈不
溢門闢紫極正無偏明時遭遇邱從直當日經營鄭
道傳未妨借民來種藝長看瓜帙滿官田

送李至和永春卜居

人事紛紛花謝枝重逢莫道有前期梁家隱跡携妻
日潘令閒居御母時秋雨西窗孤對燭暮雲春樹各
題詩同舟北壁老無柰縱有夢遊知未知

西將臺

遊人於此故遲回愁思無如城上臺錦稻可忘嘗膽

苦文章空說勒碑才蟲沙草黑春潮入雉堞雲黃殺
氣來安得葡萄元帥酒三忠祠下奠深杯

漉酒巾

達性貴天真漉冠亦有人以茲方漉酒猶可賀吾巾
細葛纒纒淨疎經井井句挹來缸面熟聽得雨聲新
襞積多堪惡圍圓小欲嗔倒持膨豕腹徑着縮龜身
蛆腎疑星弁津沾化白綸筍嫌煩老婦醉妨乞諸隣
誰道醉濡首直須香入唇醜餘還突爾無意辨疵醇

永豐銅礦

白山西北來旁薄起鐵嶺絲連共四郡碁置千里境

永豐積餘氣鬱結而不騁其陰產青銅鼓鑄權所秉
歲命桀黠奴爭趨如市井畚鍤役萬夫千尋開坎窞
曲折架危棧縮縮行不僮負出一簣土辛苦九食頃
窸窣燭松肪蹭蹬垂麻縷敲吹覘髓脈挽掣候動靜
海眼恐趺突雲根妨悍獷旁歧及黃泉若糟食李杏
徃徃遭淪塌不預老曹邴曹邴既不歿他山且無幸
民生有本業不過務儉省何必橫黃金萬死冀一逞
安得陶句手日見大奸屏熙熙天地內人人礦自礦

與池文哉

德龜

鬱鬱石上松托根無寸土咫尺舍廣陸如何此辛苦

小葛嶺

坦途如達官山逕若禪師雖乏富貴相但覺眉目奇
犖确數里石依違寒澗涓東峰忽峩嶢突怒厓脚垂
陰崗爲排擠西走頗委蛇雲嵐互敵敵良久升朝曦
天風散榭櫪赭綠紛相吹疎菊處幽深獨保高秋姿
下馬循紆曲故爲經歷遲會心豈在久邂逅欣暫時
千里苦吟望於茲畱佳詩

尊潭二首

衆水西北來鐵壁天爲闕風霆與之俱摩戛成奇瑰

組甲蹲百札綠壁植千枚狼石落顛倒抵敵水屢回
水湍咽不進四出爭喧豕有如玉龍鬪鬚鬣紛拉摧
仰視鬱參錯俯窺愁傾頽僕夫脛脚健輕率凌崔嵬
獨自領其妙歎息故遲徊異哉造化力不厭費剪裁
張翰棄官去托言思葦羹濁世早見機滋味豈牽情
當時不識意以此成其名東人未知葦思見如金莖
茲潭有似者藉藉俗耳驚標號既失實形勝反假鳴
一區乃天造流峭鍾淑清關東五百里奇特少與京
萬瀑一勺貴片石千金輕縱使產芝朮不足爲潭榮
况茲芹蕨類區區充煎烹始知飲食人難與山水評

夜坐戲題

燈後如窮巷燈前如狹斜短檠照三面左右刀尺羅
當中子讀書餘光女治麻許我坐其陰塊然若無何
靈臺湛虛寂明暗無損加潛思溫舊學啖蔗味漸佳
抽思製新句雲錦爛光華思了歸靜域冥冥轉河車
今夜誰足用丈人功最多

遊城南麓

往昔登終南南望九江間期覩襟帶壯故遺林壑閒
時秋耿雲物試策凌峒巒似與長者遊始見子弟顏
首路琥谷口

俗稱琥
珀洞

遷迤不阻艱逢人問後洞名已

失由西濟聞說在山樓名泉小泓澄碧鑲恨未牛乳白

一軟清肺關古洞號青鶴青鶴去無還千年會有日

倘來非世寰安得如輪翼上昇參筍班挹白名堂舊聞

名前尋屢顧覲樵兒眩指點全蔽多蕭管門逕俱泯

滅奚論敲扃櫟田水藥山名亭下草沒絕漩深云是坐

流觴定非來秉蒲彭南俗稱彭木洞脩而窳嵌空若彪彪

松風吹來遠氣肅失幽嫺錦石濯青露秋花一何斑

冥搜還應爾未必努躋攀倭將古射埒鐵厓西南園

上有長松樹離立萬甲擐當時百夫集其帥實老蠻

脫身碧蹄戰來此潛葭姦獨夜舞劔器光奪白尾鷗

桓桓李將軍學射五石轡昭代久止戈拥縱誰習閑

一片飲羽石林中餘老頑淒涼錦平宅孝廟朝都尉朴公弼成家

數宮寄孤鰥若無綽楔揭何異葦蓬跼不聞吹鳳皇

緬想舞編爛 元陵眷耆德黃封日內頒依然聽流

處淙淙響珮環沁園今如此下里堪涕潛吾聞東岳

老李公安訥號東岳有詩壇考槃枕潺湲文酒遺世事奇氣頗不

辱浮白為善謔一樽當罰鍰菊憶掇露英壁思掛白

綸徘徊古壇秋冷蝶空翾翾柏堂雙柏最蕭灑四圍

楓樹殷丸丸有老柏參天如黛髮俯視樂彼園檀穀

真殘賢主人何為者能得天所慳摠為昔賢作後人

固所瘵舊貫委榛翳新構勞倅般陜登起傑閣一朝
衆功僞繚垣籠山椒區分若市闐垣內綠如簣垣外
赭如鬻樵蘇不敢入狺嗔劇野豕門絕翟公雀舍飛
張敞鴟韋杜去尺五相依比駟鶴粗自叙經觀誰謂
好下訕沈吟琵琶原琵琶亭上暮禽啼咬啗迤東卽卽下
觀止在當刪窮討類數車還恐幾無山

廢村

行逢廢村墟問是逃亡屋生者不歸來死者無塚宅
魂魄托叢祠姓名畱縣籍環堵有餘灰鄰人來種麥

松石園

泝澗欲晴耕欲雨二者求天天應苦玉川先生無適
莫雨卧晴出皆淨土窻間敞簣惟一身怪爾屋底光
氣吐錦囊奇字掛龍梭古硯墨色含翠羽更有壁上
積雪圖六月寒風排出戶松月道人大匏翁居今好
古無於古貫酒携琴日來徃兩履底穿忘綻補七言
大篇爭雄雌縱金擊球無陳語我來揮汗不暇吟貪
看幽竹青一畝自是困暑非困詩飯顆歸時日卓午

千壽慶

壽慶字君善號松石園錦溪人

與諸益畱宿江舍

風言三選卷二
寄宿江邊屋鳴波夢尚聞洛城今十里水國遠三分
酒想湖中月燈疑壁上雲無詩綠醉困却惜老車君

秋夜賞菊

園齋秋夜碧松清石上潺流珮響輕藻荇鱗鱗交樹
影風霜浙浙應山鳴齡頽蟋蟀淒仍懼歲暮衣裳薄
自驚白酒故人來月色欄頭共賞菊花明

百種日小集

老幼齊來叙舊情交如淡水喜同城自憐葭玉渾相
倚誰識金蘭竟異名賴有李侯佳節飲畱供閔子六
旬生新秋雲景淒將夕寂歷疎花近席橫

菊秋下九小集

主人官謝客無官座有黃花佩有蘭何恨人多成漑
落自悲節易屬摧殘未醺今歲重陽酒只飽君家下
九盤小集豈徒憐契濶爲聞良晤可消寒

喜雨詩

曉聽檐溜勝笙簫呼燭開窗坐更寥已覺澶漫流浩
壤還疑廣樂下雲霄九重精禱知非昧萬姓歡娛
見格昭宿沛恩深太宗雨小臣南巷作歌謠

日涉園

堆霞復拳石上有松樹閒誅茅寔爲此柴扉溪上關

軒窗容我膝林木怡我顏有時看白雲鎮日對青山
生事自蕭條不似在人間

杪秋西原晴眺

高秋九月西原道澗木凋傷山菊早白石粲粲露淺
沙斜日熒熒照衰草此時有酒百餘壺招呼儔侶望
素昊西風颯爽白雲高蕭蕭不堪動懷抱雀啾蟲吟
喚生愁况復孤村聞寒檣翻思春日桃李姿須趁黃
花容色槁可憐人生同衆芳少壯須臾催衰老萬事
不如杯中物勸酬只樂生前好牛山誰用兒女泣醉
倚碧樹葛巾倒寄語玉社諸子道此樂相將抵老保

徐慶昌

慶昌字明重號學圃軒全州人

深秋謾吟

年來老病自相侵每聽歸鴻憶舊林萬里明河將夜
半一叢黃菊已秋深練嫺機務徒虛譽奔走風塵豈
素心對酒休言浮世事閒愁都付亂蛩音

夜吟

已把榮枯一任之虛名於我亦奚爲天寒最愛杯中
酒夜永多裁枕上詩犬吠疎籬風過後人歸陋巷月
明時柴門早閉無餘事閒意休教俗客知

乙亥歎

畿甸暨三南賑貸無蓄積濟活公私計惟在移其粟
東海多風濤北船報沈溺今士不讀書列郡爭遏糴
哀此四道氓半填溝與壑

宋文星

文星字台甫號農齋南陽人

過金文初 洛瑞

爲問春消息來訪故人家池塘微雨後香動一園花
梅谷夜集

問君江漢約春帆去何之錄錄人間世沙鷗夢裏期

吳得麟

得麟字子祥號德巖同福人弟命觀見續編

塞下曲

雪滿陰山塞月高
轅門飲罷氣雄豪
聞說單于今夜
獵幕中壯士盡抽刀

慶州途中

平明驅馬故都行
行過羅陵草樹生
臺屹瞻星空疊
石基存半月已荒城
如何霸國千年盛
等是殘棋一局輕
世久無人歌麥秀
祇今惟有客傷情

金恒錫

恒錫字士元號慎齋晉錫弟

次友人述懷韻

遠望還山雲怡然坐靜室但願顏生學不願班君筆
自任身安肆不關事得失日夕無思慮逍遙臨書帙
無算人間事百歲誰可畢時提兒孫輩抱膝相語密
但悅吾性情豈日效真一

田桓

桓字桓之號海山齋白川人祖返素齋萬種見

續編

詠懷

獨卧孤燈下羈愁不可量吾兒貧是病乃父醉非狂
海撼千山動秋深萬木傷先君有弊屋早晚理行裝

李胤恒

胤恒字仲有全州人

棲碧亭

棲碧何人宅王翁樂一生參差芳樹影上下怪禽聲
小澗穿林遠餘花隔葉明斲時多勝槩微雨過春城
張混

混字元一號而已广結城人

答賓二首

風言二選之卷二
白茅十餘屋上帶青山色稍轉街南頭門內雙杏碧
籬角妻春粟樹根兒讀書不愁迷處所卽此是吾廬

回龍寺

潭月寒生樹山鍾早閉門無心老釋子終夕憇雲根

松川李公默

景淵

歸蒸肉供我老母誦韓昌

黎嚼廢輒還美之句分韻謝惠

吾慈今八旬前日齒俱落多少盤中物強吞無味嚼
馮館日殮魚朝朝增歎慨親當不飽齡子職何都廢
老人情可憐貧士傷哉泫淡泊黃卷菜入脣稱脆輒
爲推老老思手褁觀余顏感子分甘情欣然懷袖還

歸遺母一嘗笑曰此其旨仰喜忽加餐長嘆拜予美

玉溪園亭

夜靜空溪月明往來人影相顧樓頭秋思蒼然一種
寒山老樹

赴朴士執佛巖避暑

層崖當面起突怪鳥驚人飛斜一點二點溪雨有香
無香岸花

燕居書情二首

寒山如拭淨朝暉數戶依依隱翠微無事幽人猶未
起滿林秋色掩雙扉

屋言三選不卷二
山色清明豁洞天
暖雲如絮柳如煙
溪上掩門春日靜
數聲啼鳥抱書眠

感興十二篇奉獻薑山李尚書

龍門得御廿年餘
依舊槃散繞古除
雙鶴高飛喬木老
回看堂上泣前魚
門庭如水玉堂仙
軒駟連雲八座遷
滿室三千珠履客
誰憐東郭雪中穿
才峻翩翩左右隨
一心夷險適便宜
縱然寒劣居人後
狗馬非無戀主私
戶部居清吏部公
頑夫窮士樂聞風
亦知易事難爲

悅爭奈區區婦寺忠

湯湯春水漾紋瀾
朝夕行人渡涉安
獨有虛舟難自力
共隨浮梗滯前灘
方士秋風日入山
豨苓馬勃滿籠間
崖陰亦有靈芝草
借問何時竝採還
八义三拜難同語
蛺蝶鷓鴣各異稱
敗紙荒詞何所取
偶蒙一顧價逾增

悉屏諸姬按外賓
樓頭姍笑更無人
絺衣颯颯淒風滿
進退還羞厠下陳

仁風千里播窮閭
父子同時惠化霑
懷袖三年情不

滅尚期秋日再煽炎

深愧平生說項斯一篇閨意過情推無謀能散窮途
恨開歲要呈婢僕詩

青天幾日送吹噓光範徒煩再上書第五廐中無好
馬懷金不敢向前祛

府檄人人被渥同廬江名字無其中如今儻匪遺管
蒯須念臯魚樹不風

不寐

澗壑悽秋夜婆娑卧竹牀照懷山月白入夢菊花香
蟲語寒逾切鴻聲曉忽忙思人終不見三徑日蕪荒

望月寺訪雲上人

風泉響不已曉色倍淒淒樓寂僧方睡林寒鳥一啼
殘鍾孤月在斜漢衆山齊下界空雲氣杳茫何處雞

窮歲永宵有懷無寐寄汝長兼示長兒

小燭未終夕有書恒廢看丈夫抱志慮兒女怨飢寒
兀兀驚時晚悄悄坐夜殘方因百尺苦且喜一枝安

一碧亭

十載病中客秋風湖上樓沙鷗羞髮白萍水覺身浮
枕底平郊樹窻間入浦舟手持一尊酒自許我名流

松石園二首

夏日芳園好時時憶友生流鶯何豫我幽事自關情
井小新泉溢林繁數萼明聞茲多異賞吾及雨中行
痛飲期無量俳詼雜不經舊題堦竹長新摘圃菘青
生歿攜詩草行居帶酒星顧嘆高躅士一半老林垌

與趙芝園夜話松石園

長往知無策浮生嘆有涯時將林下趣來會故人家
雨井蛙翻出風溪燕掠斜畱君同夜宿吾室蓄蘭花
西亭月夜

深溪門掩兩三家老樹巒岈宿暮鷓睡起回風鳴落
葉酒醒寒月在黃花久吟山曉衣裳冷獨立池清鬢

髮斜時有新香生竹外小童初碾雪坑茶

疲痾伏枕和友人討春之作二首

日霽巖扉靜起居松霏和露濕衣裾孤心獨炤池光
淨小睡新醒山氣虛棲燕銜泥工築壘遊蜂蹴蓋巧
黏書畦丁笑說前宵雨紅藥苗長一寸餘
斜暉半帶小亭西竝坐雛鶯盡日啼衣上山光晴滴
滴帽端花影暝低低池生圓殼吹魚沫苔破織紋散
鹿蹄莞爾自將謀酒意隔簾微喚碾茶妻

谿堂晚眺

獨倚衡門對碧峰東家樵叟偶過逢閒愁近日心難

風言三選不卷二
定薄宦終年味不濃當世誰能求
死馬古人猶未好
真龍一尊相慰溪堂夕木葉飈飈
山雨重

石瓊樓觀瀑二首

歷盡稽山顧虎頭歸言萬壑共爭流
未知佳境能勝此却怪喧聲更作幽
野雨人家初向夕溪風巾髮欲生秋
塵間欣戚終烏有身在搖搖水上樓
飈飈一檻峽風長世事思量捨可忘
如許樓臺空夜月長時水木足清涼
秋情雨滴鳴蟬葉山氣澄深卧客牀
疎夢五更驚欲叫檐端雪瀑吼雷狂

遠景樓晚眺

一鄰樵牧雜謹呼漆吏還同野老愚
聽水田間攜子姪看山籬外揖公孤
寒禽谷靜啼相應落景峰高勢欲扶
碌碌勞勞塵世事終昏對此自消無

春晚過步庚

冰雪盡消峰儼如隔年顏面未曾疎
自逢荒歲愁常迫忽得春風氣更舒
與世多違還守拙濟人無術且看書
今朝始把新年筆不使韶光坐送虛

士執攜午飯入玉流洞

鬢髮常隨節物新靜居日月歎奔輪
詩書寂寂巖花老雞犬閒閒澗草春
谷裏盤旋曾有地山中問答久

無人時時傲吏憐貧士來洗陶家滿釜塵

早過千氏

朱門不向向柴門慣識君家景物繁雲曙高林鶯滑
滑露晴紅藥蝶翻翻正逢詩料好天氣莫惜酒錢從
我言塵內浮生空自老愛茲邱壑幾人存

圍碁二十韻上楓皋相公

手談元鬪智胸甲久研精休說黔夫勇曾聞白起名
循邊方轉戰度隴欲回征落落流星影丁丁撒電聲
運籌玄理曠爭道赤心呈魚貫通中海鴻聯接外城
點頭思妙策抵掌覺疑兵暗進春泉活長驅野火平

犬牙形互制虎口禍相嬰懸劫謀偏猛旁攻眼忽驚
誘他專啗利樹黨故連橫困伏希鄰援神功料賊情
置危翻取勝陷死乃圖生輸陣緣金注潛師憶木罌
敵疆鋒避銳已逸勢持衡莫謾求先發終須睹未萌
扶顛存一著透險擬間行伺變馳輕騎乘機斫遠營
堅持非怯懦善敗自驕盈匪為閒消日方圓靜對枰

同蓮洲子賦新涼八韻

嫋嫋來何處迢迢入洞房送風流水氣翻雨鏡天光
竹汎清泠韻荷吹暗淡香骨醒輕枕簟心健澀衣裳
夜靜偏相認秋晴政不忘一蟬遙樹碧初鴈暮雲長

風詩二選卷二
欽色華將實舍津脆欲強儻無煩溽暑誰劇愛微涼

和蓮洲子聽琴

秋風汎瑤軫夜光冷疑指如何高堂上忽若深山裏
飈飈萬壑松盡向牕間起嗚咽寒雨淒演漾春景媚
將窮幽妙處偶得會心理潛魚時出聽歸鴻杳入視
迢遰海山空悵望成連子令人移性情昔聞乃如此
我疑枯桐絙能使舍太始曲終月欲墮泠泠竹間水

松石園

世故如網身繫韁恒居鬱陶神不揚西園夏木秀千
章黃鳥時時延我翔柴門一片入相望澗阿考槃吾

友良學誦孔周賦荀揚其道窮耶屢絕糧綠蕉衫袖
碧蘿裳盡日怡然巖下房南東鄰曲來相羊誰爲交
好王與張印非顧爾爾顧印老石蒼松欣扶將貧賤
之知慎勿忘茲遊亦恐不可常百年飄蕩如風狂壯
者已衰少者強沉冥潦倒豈太康憂樂都欲付索郎

池德龜

德龜字文哉號蓮巢道成子

內府曬書

傲宋置奎署賞花兼釣魚瓊林春霽後蓮棹月升初
卑賤榮何極趨奔跡不疎相看仍感舊香閣晒書餘

驟雨

涼颼初滿閣驟雨忽過庭荷葉爭跳白藤梢亂颭青
晦明分遠矚喧寂入幽聽却喜炎氛歇憑欄宿醉醒
鄭尚玄

尚玄字康伯號櫟庵慶州人

次白衡仲履相韻

茶蔬賒酒送窮愁人到中年萬事休絕澗水流花院
靜疎簾雲擁草堂幽語能驚俗心靈服詩亦挾奇道
氣浮玄圃碧桃開也未春城聯袂約相遊

崔元植

元植字而健號書巢忠州人父東溪潤昌見續

編

春草

一色方噓茁茸茸早占春和煙時點綴經雨更精神
向暖微芽出含滋晚色均幾添歌扇嫩堪妬舞裙新
綠暗宜停馬香菲恐碾輪墮花連步障凝露布香茵
歷歷雙飛鷺依依獨去人王孫歸未得怊悵惜芳辰

中秋望月

夕天霽晚景萬里氛翳收始信十分月矧乃一半秋
清光四時好此夜更覺優隔年期一玩橫笛倚高樓

團團離海角漸漸生雲頭水輪當空懸金波滿地流
且可澄煩襟端宜豁醉眸寂歷寒蛩吟蒼茫碧樹幽
莫辭終宵看幸無風雨愁悄悄若將別中庭故遲留
王莢

莢字步明號夢湖鵠嶺人

松湖韓氏邨

浦汀路出白鷗沙近海漁人五十家見客閒談居水
好不知斜日隱蘆花

仲弟書所與李而善慶默金宗浩泰郁共吟

有朋仍薄酒無菊即空庭鬢過三秋白燈留一夜青

遠雞來缺月寒樹帶流星靈籟生何處寥寥枕上聽

鄭禮重

禮重字文益溫陽人

送春翌日

朝旭千門靜薰風淑氣暄池臺歸畫境松鶴守仙源
引蝶餘花樹聽鶯罄酒尊莫勞揮玉麈半晌劇談論
石應柱

應柱字而擎號水谷漢山人祖醞谷世珩見續

編

山映樓

寒鍾何處寺斜日向東林花雨蓮臺淨烟蘿石徑深
雲山元有癖榮辱亦無心僧定禪窓靜悠然獨坐吟
李慶默

慶默字美叟一字而善牙山人

秋夜會溪亭

新釀初醞自滿壺園翁隣友晚相呼竹風爽氣通溪
戶蘿月清光上壁圖中夜露蟲聲轉濕半簾雲嶂色
還無逢迎更有涼陰靜瀟灑晴牕映碧梧

吳命喆

命喆字君保擊華子

北莊暮春

桃花一一傍人飛寂莫高齋午影微已有青山兼白
水豈將烏帽換羅衣垂楊滿院鶯歌出芳草連天燕
子歸澗叟園翁知供客春來無日不開扉

金景濂

景濂字仲茂號澹惺齋金海人

金王簿章甫來訪

高堂燈穗結今夜卜君過詩傲黃金薄官貧白髮多
遠煙光幻水老樹意先花一醉豪談劇談窮更放歌

風謠三選卷之二

風謠三選卷之二

